

pag. 135. Aegyptii etiam Copti, Syrii, Chaldaei, & Rutheni hoc idem observant, ut habetur in ipsorum Kalendariis, & Martyrologiis. Et pro traditione Universalis Ecclesiae satis est Autoritas Augustini lib. 4. de Trinit. cap. 5. ubi scribit: *Sicut a Majoribus traditum suscipiens Ecclesiae custodit auctoritas, octavo Kalendas Aprilis conceptus creditur Christus, quo & passus.*

Ad VIII. Occurrit Serry dicendo: „ Judaeos
 „ nulla lege fuisse obstrictos, in suarum
 „ Tribuum sortibus habitare, sed id in il-
 „ lorum arbitrium fuisse relictum, et si
 „ agros, & possessiones extra suarum Tri-
 „ buum sortem habere non possent. Pos-
 „ sessionum enim, non habitationum parti-
 „ titio a Josue facta fuerat. Potuerunt er-
 „ go Maria, & Joseph fixam Nazarethi in
 „ Galilaea habitationem habere, locatam
 „ forte domunculam, aut commodatam,
 „ tamen si essent ambo Judae Tributes, sua-
 „ que (si tamen pauperibus essent aliquae)
 „ possessiones in Judaea obtinerent. Quibus
 „ & illud addi potest, limites a Josue praes-
 „ criptos Tribuum possessionibus haud ita
 „ religiose fuisse servatos post captivitatem
 „ Babilonicam. Tot enim progressu tem-
 „ poris praesa malis, bellis jactata, afflictis
 „ calamitatibus gens infelix, nec commu-
 „ nes Regni, nec peculiares familiarum, ac
 „ Tribuum fines servare facile potuit, sed
 „ omnia sudeque misceri passa est vel in-
 „ vita . . .

Ad IX. Damianus per figuram metonymiam loquutus est, & contemtum nomine continentis significavit; hoc est, quodcumque dixit Angelus, ore, voluit dictum ab Angelo fuisse per epistolam. Recitans enim S. Cardinalis, quae in epistola, verba continebantur, haec fuisse, scribit: *Ingressus ad eam Angelus dixit: Ave gratia plena, Dominus tecum, benedicta tu in mulieribus;* Atque haec eadem verba fuerunt ab Angelo prolata, & consequenter a Virgine audita, & non lecta in epistola, quam Adversarii commiscuntur: ergo commenticia est epistola illa, si eam per figuram intelligere nolumus. Et revera Gabriel ex Evangelio non tradidit Virgini epistolam, sed cum illa colloquutus est, dicitur enim ibi: *Angelus dixit;* adeoque Gabriel non fuit Tabellarius ad Virginem, sed Nuncius.

Ad X. Suarez putat, domum illam fuisse domicilium B. Annae, & in ea B. Virginem fuisse natam, & Christum conceptum, & saltem usque ad fugam in Aegy-

ptum educatum. Post reditum vero ab Aegypto Canisius censet, cum aliis quibusdam in eadem domo Virginem, & Christum habitasse. Beda tamen lib. de locis sanctis cap. 16. apud Suarez, tradit, in loco illo, in quo Angelica saluatio facta est, Ecclesiam fuisse edificatam; & deinde refert, in eadem Civitate Nazareth aliam edificatam fuisse Ecclesiam in illa domo, in qua Christus post reditum ex Aegypto usque ad grandiorem aetatem educatus est. Post quae subdit Suarez: Sed illa prior fuit semper sanctior, ac celebrior habita, & nunc etiam est in Ecclesia celeberrima.

Dicimus IV. Conceptionem Christi Domini fuisse plane miraculosam, & supernaturalem.

I. Probatur, & explicatur ex Mariae virginitate, ac simul maternitate. Miraculosum plane, ac supernaturale est, Virginem esse matrem; sed hoc solum in Christi conceptione verificatum fuit; ergo &c. Minor est certa, quia sedes Apostolica anno 1677. damnavit Imperialem, qui assererat, S. Annam concepisse Mariam absque virginitatis jactura; atque insuper communiter improbantur qui dicunt, Annae puerperium fuisse absque dolore; & Joachimum, & Annam concepisse Mariam absque actu conjugii, & in solo mentis raptu, & obscuro in momento, & sine praescriptis a natura documentis: ergo sola conceptio Christi fuit ex muliere, quae erat simul mater, & Virgo.

II. Probatur ex repentina eformatione Corporis Christi in Virginis utero. Statim ac Virgo praebuit Gabrieli assensum, dicens: *Ecce ancilla Domini, fiat mihi secundum verbum tuum,* compactum est Spiritus Sancti operatione in Virginis utero corpus Christi integrum, & omnibus organicis membris absolutum; sed hoc est plane miraculosum, & supernaturale; ergo &c. Major est S. Gregorii Magni lib. 18. Moralium cap. 35. dicentis: *Angelo nunciante, & Spiritu Sancto adveniente, vox Verbum in utero, vox intra uterum. Verbum caro.* Minor patet, quia hoc ipsum limites naturae excedit, quae paulatim omnia operatur. Additur, quod corpus Christi non solum in momento conceptionis fuit integre formatum, sed etiam eodem momento fuit anima rationali animatum; ut scribebat S. Damascenus lib. 3. de Orthodoxa fide cap. 2., quod sane non potuit sine miraculo esse.

III. Probatur ex instantanea unione corpo-